

佛说菩萨行五十缘身经

西晋三藏法师竺法护 译



南無本師釋迦牟尼佛

说明

本简体校正版《佛说菩萨行五十缘身经》电子书，根据《乾隆大藏经》大乘单译经，第 0384 部，西晋三藏法师竺法护译《佛说菩萨行五十缘身经》原藏影印本校正。句读仅供参考。

本电子书是免费结缘品。特此说明。

仁慧草堂

二〇一九年二月



扫码关注仁慧草堂微信公众号

● 起诵仪

香赞

(一遍)

炉香乍爇. 法界蒙薰. 诸佛海会悉遥闻. 随处结祥云. 诚意方殷. 诸佛现全身.

南無香云盖菩萨摩诃萨 (合掌三称)

净口业真言

(三遍)

唵. 修唎修唎. 摩诃修唎. 修修唎. 萨婆诃.

净三业真言

(三遍)

唵. 娑嚩. 娑嚩秫驮. 娑嚩达摩娑嚩. 娑嚩秫度憾.

安土地真言

(三遍)

南無三满哆. 母驮喃. 唵度噜度噜. 地尾. 娑婆诃.

普供养真言

(三遍)

唵. 誝誝曩. 三婆嚩. 鞞日啰斛.

南無本师释迦牟尼佛（合掌三称）

开经偈

（一遍）

无上甚深微妙法 百千万劫难遭遇
我今见闻得受持 愿解如来真实义

佛说菩萨行五十缘身经

西晋三藏法师竺法护译¹

佛在罗阅祇耆阇崛山中，时与比丘僧千二百五十人；比丘尼、优婆塞、优婆夷、诸天龙鬼神无央数；十方诸来菩萨十万人。皆自然师子七宝莲华上坐。十方诸菩萨，见佛端正无比，身有三十二相、八十种好。座中有一菩萨，名憍那尸利，语文殊师利菩萨言：“仁者知深经，能自知佛何因缘庄严其身，得功德如是乎？”

十方诸菩萨闻是言，莫不欢喜。

文殊师利即起，前长跪白佛言：“座中诸菩萨中，有已得阿惟越致者，中有未得阿惟越致者，皆见佛身有三十二相、八十种好庄严其身，端正无比，何因缘得是乎？愿佛为诸菩萨说前世所作功德，诸菩萨闻之，当益增功德。”

佛言：“善哉！善哉！文殊师利，发意问乃尔乎？”

佛言：“听我说前世作功德。

“菩萨世世所重爱珍奇好物持施与人，常持

¹ 大正藏：西晋月氏三藏竺法护译

² 大正藏：若；永乐北藏及龙藏：憍

好眼善意施与。用是故，佛悉得智慧知诸经法。

“菩萨³持采女珍宝庄饰，持善意以施与人。用是故，得佛声万种声出。

“菩萨³常以好愿善意视世间人。用是故，人民见佛视无厌极，譬如月十五日，盛满姝好，视之无有厌。

“菩萨³为人说经法，不从有所希望，趣使得安隐而已。用是故，佛说经时人闻无有厌饱者。

“菩萨³不说人恶，有恶者亦不为他人说。用是故，尘垢不著佛身。

“菩萨³常受毁辱，虽有筋力皆悉忍之。用是故，佛行地高者为下，卑者为高。

“菩萨³见人穷厄，给足与之；见人破坏安隐令在职。用是故，佛行道时，地为现威神如喜状。

“菩萨³不作弓、弩、刀、兵，使人相害。用是故，佛行时，荆棘、瓦石、丘墟皆自辟除。

“菩萨³从师所闻法，不敢犯缺。用是故，佛所行事，悉具足如是。

“菩萨³喜然灯于佛寺及师、父母前。人

³ 大正藏：姝；永乐北藏及龙藏：采

有狐疑，辄用解之。用是故，佛身光明焰出，殊好无有比。威神巍巍乃如是。

“菩萨世世若见奴婢说经，不呵止令断，身复听之。用是故，佛说经无有蹉误。

“菩萨世世不持恶目视人，设有嗔恚，稍稍忍之。用是故，佛眼不大不小引长好，人有见佛无不欢喜者。

“菩萨世世见他人端正妇女，不持淫意向之。用是故，佛身颜色姝好无比，人有见者莫不欢喜。

“菩萨世世随时熟果及好香华持上佛、比丘僧、师、父母。用是故，果、树、华见佛无不曲倾向佛。

“菩萨世世见丘墟恶道，改⁴令平正；见无桥梁，为作桥梁；不以钱财故，恐迫人。用是故，佛所入卑门为大。

“菩萨世世见闲空无井、树之处，为种树作井及诸饮食，令人得食。用是故，佛所行处，地为出泉水，出于八味。

“菩萨世世见人行步出入，不说其恶。用是故，佛身悉姝⁵好无瑕秽。

⁴ 大正藏：正；永乐北藏及龙藏：改

⁵ 大正藏：姝；永乐北藏及龙藏：殊

“菩萨世世持杂香涂佛身，持善意施佛及上塔。用是故，诸天作香风之香，持供养佛。

“菩萨世世持杂香水与佛及诸菩萨澡面及杨枝⁶梳齿。用是故，佛面口中皆香，譬若发藏之绒。

“菩萨世世见人⁷有嗔恚意向菩萨，常以善意待之。用是故，佛行道时，足下有虫蚁，无不得安隐者。威神⁷巍巍乃如是。

“菩萨世世所有国土及好香华衣被，持施与佛。用是故，有人散华著佛上，便成华盖。

“菩萨世世不坏人宅舍，常喜作舍。用是故，佛⁸恊金刚之力，四方如山，无能害佛身者。

“菩萨世世见人⁹有饥渴者，先饭食之，却为说经。用是故，佛所止前，皆有香华流水。

“菩萨世世人从有所求索，有者即与，无所爱惜。用是故，佛说经时，人闻之无有唐苦者，皆有所益。是⁹故，佛降伏诸魔。

“菩萨世世持好音乐，乐于佛及塔。用是故，佛为诸弟子说经，满一佛界中人悉遍闻之。

“菩萨世世作金银杂宝树上佛。用是故，诸

⁶ 大正藏：梳；永乐北藏及龙藏：疏

⁷ 大正藏：佛威神；永乐北藏及龙藏：威神

⁸ 大正藏：鞞；永乐北藏及龙藏：恊

⁹ 大正藏：用是；永乐北藏及龙藏：是

天、龙、鬼、神无有能见佛顶上者。

“菩萨世世作佛塔，持杂香涂之。用是故，佛所行处，珍宝香华为散佛上。

“菩萨世世见人¹⁰有中毒，辄持慈心往喻¹⁰。用是故，佛所行处，若人若树中毒，悉去之¹¹。

“菩萨世世常随经法不犯，心常柔软，忍辱于人。用是故，有人狂乱来至佛所，莫不得安隐者。

“菩萨世世常持若干种香供养佛舍利及涂塔。用是故，佛身无有臭处、瑕秽之恶，殃祸不能及佛身。佛威神巍巍乃如是。

“菩萨世世见人¹²有疑乱，若为鬼神所持，辄往救之，使得度脱。用是故，佛所向处，若地有虫蚁，悉为除去。

“菩萨世世事师、父母，若见卧睡，不数惊觉；若欲使觉，当持音乐；若持好语，诵经往觉之。用是故，佛在内默声，诸天梵释持音乐、香往觉之。

“菩萨世世为佛作精舍，好持¹³床卧具什物。用是故，蚊、虻、蜂、蛇、蚤、虱之属，不敢近

¹⁰ 大正藏：愈；永乐北藏及龙藏：喻

¹¹ 大正藏：悉为治之；永乐北藏及龙藏：悉去之

¹² 大正藏：人；永乐北藏及龙藏：见人

¹³ 大正藏：治；永乐北藏及龙藏：持

佛身。

“菩萨世世寒冬之时，为佛、诸菩萨作细靡¹⁴之衣。用是故，随蓝¹⁵风起在佛前，不寒不热，亦不动衣毛。

“菩萨世世有奇异美饭食，终不独食，若师、父母有饭食，不减损而食之。用是故，佛舍置威神力，虽无所食，佛亦不饥渴，身亦不羸。

“菩萨世世不放火于山野，并除他人三毒。用是故，佛般泥洹后，火虽盛炽，不能令佛变色。

“菩萨世世常上师、父母及有道德人，上贵舍宅、衣被、饮食。有从乞者，给与之。用是故，诸天及鬼神、诸长者，持世间所有珍宝什物以上佛。

“菩萨世世为佛治道径，持泽香涂地。用是故，佛行道时，诸好杂华行列散地上。

“菩萨世世持戒未曾有犯时，亦不教他人犯。用是故，随蓝¹⁶风四面起，不能动佛一毛。

“菩萨世世为佛于佛道中施五色幔，于下请饭佛及比丘僧。用是故，佛所行处，诸天张五色幔随佛而行。佛威神巍巍乃如是。

¹⁴ 大正藏：靡；永乐北藏及龙藏：美

¹⁵ 大正藏：岚；永乐北藏及龙藏：蓝

¹⁶ 大正藏：岚；永乐北藏及龙藏：蓝

“菩萨世世持珍宝履屣以善意与佛。用是故，佛经行时，足去地四寸不蹈地，其相文为现。

“菩萨世世持幢幡、华盖杂种五色，持用上佛塔。用是故，自然生杂色幢幡盖，随佛而行。

“菩萨世世为佛治道，以杂香汁用洒地。用是¹⁷故，佛所行处，诸龙持杂香汁洒地。

“菩萨世世不曾说不净人所讳语，设有是语，当意制不作。用是故，诸天、龙、神、飞鸟，不过佛上。

“菩萨世世见佛、若比丘僧来至，扶迎为佛作礼。用是故。佛所行处，诸天、释、梵¹⁸、阿须伦、鬼神、世间人民，莫不迎佛，持头面著佛足者。

“菩萨世世常护身、口、意，不犯众恶。不但用身故，为十方天下人施。用是故，菩萨在母腹中时，臭处污露不著身，常安隐不恐怖，亦无有饶者。

“菩萨世世持善意视佛，见怨家、见父母，心正等无有异。用是故，佛智慧悉具足，但为众善无有恶，人有疑难问佛，无不解者。

¹⁷ 大正藏：是；永乐北藏及龙藏：用是

¹⁸ 大正藏：梵、释；永乐北藏及龙藏：释、梵

“菩萨世世持诸音乐杂香华，供养佛及塔。用是故，佛入城时，城中诸音乐，不鼓而自鸣。

“菩萨世世持无梨弊结金银珍宝附憚，持用上佛及塔。诸菩萨、比丘僧及世间人，悉布施与之，常持和颜悦意与共语。用是故，佛行分越时，卑户为高。

“菩萨世世为佛施轩交露，令佛住行其下，持善意视佛，复赞叹佛之功德。用是故，佛放光焰，日月星辰皆冥，无能当佛光明者。佛威神巍巍乃如是。”

佛言：“我前世为菩萨时，世世所行如是无数世，用人故，粗说少少功德耳。我从无数世以来，所有财产知非常，是故持施与人，我世世所作功德如是，释、梵、天、人所不能作，是皆前世所行功德所致。虚空尚可度，须弥山尚可称，海水尚可量，佛所作功德行累劫亿¹⁹世，说之不可称、不可量。若有人至意念佛功德者，其福无量，况为作礼嗟叹者哉？人有欲求佛者，作功德行亦当如是。”

佛说经已，诸菩萨及诸天、人²⁰皆欢喜，前

¹⁹ 大正藏：功德；永乐北藏及龙藏：劫亿

²⁰ 大正藏：天；永乐北藏及龙藏：天、人

以头面礼佛而去。

佛说菩萨行五十缘身经

● 结诵仪

补阙真言

(三遍)

南無喝啰怛那. 哆罗夜耶. 佉啰佉啰. 俱住俱住. 摩啰摩啰. 虎啰. 吽. 贺贺. 苏怛拿. 吽. 泼抹拿. 娑婆诃.

补阙圆满真言

(三遍)

唵. 呼嚧呼嚧. 社曳穆契. 莎诃.

普回向真言

(三遍)

唵. 娑麼嚩. 娑麼嚩. 弭麼曩. 萨嚩诃. 摩诃斫迦嚩嚩吽.

南無佛 南無法 南無僧 (合掌三称)

南無本师释迦牟尼佛 (合掌三称)

南無护法诸天菩萨 (合掌三称)

礼佛发愿文

(一遍)

归命十方调御师 演扬清净微妙法

三乘四果解脱僧 愿赐慈悲哀摄受

但(某甲)自违真性，枉入迷流。随生死以飘沉，逐色声而贪染。十缠十使，积成有漏之因；六根六尘，妄作无边之罪。迷沦苦海，深溺邪途。著我耽人，举枉措直。累生业障，一切愆尤。仰三宝以慈悲，沥一心而忏悔。

所愿能仁拯拔，善友提携。出烦恼之深源，到菩提之彼岸。此世福基命位，各愿昌隆；来生智种灵苗，同希增秀。生逢中国，长遇明师。正信出家，童真入道。六根通利，三业纯和。不染世缘，常修梵行。执持禁戒，尘业不侵。严护威仪，蝇飞无损。不逢八难，不缺四缘。般若智以现前，菩提心而不退。修习正法，了悟大乘。开六度之行门，越三祇之劫海。建法幢于处处，破疑网于重重。降伏众魔，绍隆三宝。承事十方诸佛，无有疲劳。修学一切法门，悉皆通达。广作福慧，普利尘沙。得六种之神通，圆一生之佛果。然后不舍法界，遍入尘劳。等观音之慈心，行普

贤之愿海。他方此界，逐类随形。应现色身，演扬妙法。泥犁苦趣，饿鬼道中，或放大光明，或现诸神变，其有见我相，乃至闻我名，皆发菩提心，永出轮回苦。火镬冰河之地，变作香林；饮铜食铁之徒，化生净土。披毛戴角，负债含怨，尽罢辛酸，咸沾利乐。疾疫世而现为药草，救疗沉痾；饥馑时而化作稻粱，济诸贫馁。但有利益，无不兴崇。次期累世冤亲，现存眷属，出四生之汨没，舍万劫之爱缠。等与含生，齐成佛道。虚空有尽，我愿无穷。情与无情，同圆种智。

回向偈

(一遍)

愿以此功德 庄严佛净土
上报四重恩 下济三途苦
若有见闻者 悉发菩提心
尽此一报身 同生极乐国

三皈依

(一遍)

自皈依佛，当愿众生，体解大道，发无上心；
自皈依法，当愿众生，深入经藏，智慧如海；自
皈依僧，当愿众生，统理大众，一切无碍。和南
圣众。



此咒置经书中可灭误跨之罪

南无护法韦驮尊天菩萨

